

奉天通志卷五十四

沿革四

統部四

遼爲東京道並分得上京道中京道地。

東京道

東京遼陽府

城在平壤西

遼史地理志以遼陽爲東京遼陽府太祖神冊四年遷遼陽故城

以渤海漢戶建東平郡爲防禦州天顯三年遷東丹國民居之

升爲南京城名天福高三丈有樓幅員三十里八門東曰迎

陽東南曰韶陽南曰龍原西南曰顯德西曰大順西北曰大遼

北曰懷遠東北曰安遠宮城在東北隅東至北烏魯虎魯克四

奉天通志 卷五十四

沿革四 統部四 辽

一

百里南至海邊鐵山八百六十里西至望平縣海口三百六十

里北至挹婁縣范河二百七十里東西南三面抱海天顯十三

年改南京爲東京府曰遼陽轄州府軍城八十七統縣九

又本紀太祖三年正月幸遼東神冊三年十二月幸遼陽故城

四年二月修遼陽故城以漢民渤海實之改爲東平郡置防禦

使六年十二月詔徙檀順民於東平太宗天顯三年十二月遷

東丹民以實東平升東平郡爲南京會同元年十一月升南京

爲東京

武經總要六前下東京秦屬遼東郡漢屬幽州契丹得其地爲

東京高州在其東卽李勣所平白州也東至熱女真界約五

百里西至遼河百五十里又八百八十里至中京北至瀋州百

二十里東南至鴨綠水九百里西南至錦州四百里東北至黃

龍府七百里西北至顯州三百里

大清一統志九十二遼陽故城今遼陽州治遼置今州乃遼金之

遼陽也

按遼之東京遼陽府卽今遼陽縣治觀武經總要所紀里到

卽知不待考定也惟遼陽之名起於漢之遼陽縣應在今遼

陽之北而今遼陽則爲漢之襄平縣亦卽遼東郡治也

遼東郡故城無稱爲遼陽者然唐人詩中嘗以遼陽二字汎

指遼東之地如十年征伐憶遼陽是也然實爲遼人以遼陽

稱遼東城所自出近人吳承志謂唐破高麗置安東都護府

奉天通志 卷五十四

沿革四 統部四 辽

二

後徙治遼東郡故城以高藏爲遼東都督藏謀反後建府易

名遼陽尋諸舊迹都護府後徙之遼東郡故城卽遼志之遼

陽故城此文所說甚晰頗耐尋味雖於高藏建遼

陽府之說尙無明徵然以遼陽名遼東城亦猶以遼陽汎指

遼東之義必不始於遼代觀遼史本紀始稱幸遼東繼稱幸

遼陽故城則以遼陽名遼東城當始於唐之中葉又因吳氏

所說可推而知之矣

又按東丹國之天福城卽爲今遼陽城其東北隅之宮城遺

址猶存

遼志東京遼陽府本朝鮮之地所居平壤遼東京卽此唐高宗

平高麗於此置安東都護府後爲渤海大氏所有所都曰忽汗

州州即故平壤城也。號中京顯德府。太祖攻渤海。拔忽汗州以爲東丹國。神冊四年。背遼陽故城。天顯三年。遷東丹國民居之。按吉林通志云。考唐安東都護府本在平壤。上元三年。徙遼東郡故城。即今遼陽州治。據後徙之區。猶指爲初治之所。不知其相去已五百餘里。其誤一。忽汗州以河得名。唐書所載甚確。白當爲上京地。乃指爲平壤城。其誤二。中京。上京。自是兩地。乃以忽汗州爲顯德府。合爲一區。其誤三。顯德府在上京之南。白當在長白山北。乃引而實之平壤之地。何止謬以千里。其誤四。據賈耽道里記。白鴨綠江口東北行千二百餘里。乃至顯州。正當今吉林之南。乃又推之遼水以西。廣寧之東方。隅不辨其誤五。且州爲主都。自當附府。乃府在襄平而奉天通志 卷五十四 遼 三

謂州在醫巫閭山。蓋以遼之顯州。爲渤海之顯州。牽引附會。不顧其妄。其誤六。既認遼陽城爲東丹國。又曰背遼陽故城。遷東丹國民實之。然則東京本平壤。忽汗州即平壤之語。又作何解。數行之中。忽東忽西。忽分忽合。使人眩惑。不知適從其誤七。遼志疏謬。不可枚舉。而於東京尤甚。今據唐書傳志詳爲辨之。此文考辨最晰。可謂昭若發矇矣。又按遼以渤海故州縣南徙。而仍其舊名。而遼史不著其徙置之故。其中頗多違誤。茲間爲考辨於後。遼志駐蹕山。唐太宗征高麗。駐蹕其巔數日。勒石紀功焉。俗稱手山。巔平石之上。有掌指之狀。泉出不竭。遼史蕭孝穆傳。太平九年。大延琳以東京叛。孝穆敗之於手山。

北。

契丹國志。天慶六年。高永昌軍馬抵首山門。

按手山。即首山。一稱馬首山。魏司馬懿征公孫淵。唐太宗征高麗。皆至是山。惟太宗之駐蹕山。應在安市城外。不得以首山當之。契丹國志之首山門。即東京之西門。由此門而至首山故名。

遼陽

附遼

附遼

仙鄉

附遼

附遼

遼志。仙鄉縣本漢遼隊縣。神仙傳云。仙人帛仲理能煉神丹。點黃金以救百姓。

按明統志。仙鄉縣即漢遼隊縣。在海城西六十里。蓋比附得

奉天通志 卷五十四 沿革四 統部四 遼 四 之。未可深信。

鶴野

上同

遼志。鶴野本漢居就縣地。渤海爲雞山縣。昔丁令威家此。去家千年。化鶴來歸。集於華表柱。以味畫表云。有鳥有鳥。丁令威。去家千年。今來歸。城郭雖是。人民非。何不學仙塚壘壘。

按明統志。鶴野廢縣在都司城西八十里。不知何據。若爲漢居就縣故地。則應在今遼陽南。說詳漢代居就縣下。

又鴨江行部志。謂析木縣附近有雞山。此或爲徒置渤海故縣。因而得名。析木縣在今海城東。亦與在遼陽之語相應。

析木

上同

遼志。析木縣本漢望平縣地。

大明一統志 析木廢縣在海州衛東南四十里本漢望平縣地

按此卽今海城東南四十里之析木城又屬銅州廣利軍詳後

紫蒙

遼志紫蒙縣本漢鏐方縣

大清一統志紫蒙廢縣在遼陽州東

按盛京疆域考謂在今新民縣境與清統志異

興遼

遼志興遼縣本漢平郭縣

方輿紀要興遼城在司西南遼曰興遼縣屬遼陽府金廢

奉天通志

卷五十四 沿革四 遼部四 遼 五

按興遼縣若爲平郭故地則應在今蓋平附近不得屬遼陽府遼志所說前代某縣多不足據

肅慎

遼志肅慎縣以渤海戶置

歸仁

順化

按以上三縣盛京疆域考謂皆在今奉天府境而未詳其所

開州

遼志開州鎮國軍節度本遼新地高麗爲慶州渤海爲東京龍原府有宮殿都督慶鹽穆賀四州事故縣六曰龍原永安烏山

壁谷熊山白楊皆廢磐石爲城周圍二十里唐薛仁貴征高麗

與其大將溫沙門戰熊山善射者於石城卽此太祖平渤海徙

其民于大部落城遂廢聖宗伐新羅還周覽城基復加完貢開

泰三年遷雙韓二州千餘戶實之號開封府開遠軍節度更名

鎮國軍隸東京留守兵事屬東京統軍司統州三縣一

遼史本紀開泰七年五月皇姪宗熙鎮國軍節度使

金史本紀太祖收國元年十二月夾谷撒喝取開州

又天輔元年正月開州叛討平之

武經總要開州寨主東討新羅國都其城要害建爲州仍

曰開遠軍西至來遠城百二十里西至吉州七十里東南至石

城六十里

奉天通志

卷五十四 沿革四 遼部四 遼 六

遼東志開州城遼陽城東三百六十里卽今鳳凰山堡四面

石崖峭壁東北二門城隨山鋪砌可容十萬衆唐太宗駐蹕於

此

大清一統志開州故城卽今鳳凰城

按渤海置東京龍原府於今珥春之地渤海王曾一都之規

模頗壯其云磐石爲城周圍二十里者指龍原故府而言也

府領四州而慶州居首遼徙慶州於今鳳城而易名爲開州

其曰故縣六卽慶州之領縣其曰太祖徙其民城遂廢

者謂東京南徙而城廢也遼志敘次未晰故易使人迷罔一

經分疏則瞭然矣

又按方輿紀要以開州在咸興府西北此爲遼志本識新地

一語所誤如在咸興西北則在朝鮮與吉林交界之處為渤海龍原府之故地謂在未徙置前則可謂遼之開州則不可也

開遼

遼志開遼縣聖宗東討置

鹽州

遼志本渤海郡故縣四海陽接海格川龍河皆廢隸開州相去一百四十里

武經總要鹽州三韓之地舊有城邑置兵防制新羅諸國又有小鹽州相去八十里東至保州西至海即海北小鹽州

按鹽州本渤海故州遼徙置於距開州一百四十里之地故

奉天通志

卷五十四

沿革四

統部四

遼

七

城所在已不可考楊氏遼地理志圖置於大洋河西則在今莊河境其云故縣者渤海鹽州之屬縣也迨南徙後州存而縣廢下放此

穆州

上回

遼志穆州保和軍刺史本渤海郡故縣四會農水岐順化美縣皆廢隸開州東北至開州一百二十里統縣一

按此亦渤海故州應在今鳳凰城東南一百二十里之地楊氏遼地理志圖則置小洋河東

會農

州

按渤海穆州之故縣凡四迨南徙後併為一縣仍其附郭之故名曰會農

賀州

州

遼志賀州刺史本渤海郡故縣四洪賀送誠吉理石山皆廢隸開州

辰州

按亦渤海故州州徙而屬縣俱廢

辰州

遼志辰州奉國軍節度渤海改為蓋州又改辰州并邑駢列最為衝會隸東京留守司統縣一

按唐太宗攻拔蓋牟城因置蓋州其地在今遼陽之東北而遼志謂辰州即高麗蓋牟城此以渤海改為蓋州一語比附得之非其實也然遼於何時置辰州則無考餘說詳金代蓋

州下

奉天通志

卷五十四

沿革四

統部四

遼

八

建安

州

遼志建安縣蓋州城西南隅遼置今為營舍康熙盛京通志古建安縣在今縣城之西南

按此即高麗之建安城遼蓋因其地而置辰州說見唐代

廬州

遼志廬州玄德軍本渤海郡故縣五山陽杉廬漢陽白巖霜巖皆廢在京東一百三十里統縣一

按廬州為渤海故州屬中京顯德府遼徙置於今熊岳城今熊岳城在今遼陽西南相距三百里而此在京東一百三十里其方隅里到皆不合吉林通志謂此渤海廬州之至中京顯德府之里到也理或然歟

顯德府之里到也理或然歟

熊岳 遼州附郭縣

遼志熊岳縣西至海一十五里傍海有熊岳山

大明一統志 二十 熊岳廢縣在蓋州衛南六十里遼置此縣爲

遼州玄德軍治所

按卽今熊岳城若爲遼州附郭縣亦州治也

來遠城 遼州附屬

遼志來遠城本熟女眞地統和中伐高麗以燕軍驍猛置兩指

揮建城防戍兵事屬東京統軍司

遼史本紀聖宗統和九年二月建來遠城屯戍卒

武經總要來遠城塞 一作 主庚戌年討新羅國 國名 得要害地

築城爲守之卽中國大中祥符三年也 十即 八遼 聖宗統和 遼史 東至

奉天通志 卷五十四 沿革四 統部四 遼 九

新羅興化鎮四十里南至海三十里西至保州四十里

元大一統志來遠城本熟女眞地先是侵高麗軍敗值冬雪彌

旬不止人馬多斃軍會鴨綠江餘軍漂溺遼主降緒次來遠界

有防邊猛軍數十人遇而劫之逮問所從來開懸示其金製環

甲衆軍驚散遼主至遼城收不在營中者誅之 遼史 一傳

高麗史 二十 樂志來遠城在靜州卽水中之地狄人來投置之

於此名其城曰來遠

按滿洲歷史地理謂來遠城爲鴨綠江中黔定威化二島之

一尤以黔定島爲近是蓋置於遼與高麗交界之處方輿紀

要謂在遼東都司西南則以遼志附於遼州而誤也

鐵州

遼志鐵州建武軍刺史渤海置州故縣四位城河端蒼山龍珍

皆廢在京西南六十里統縣一

遼史本紀大安四年四月振鐵州貧民並免其租稅

新五代史管家人傳行十餘日渡遼水至渤海國鐵州

按渤海鐵州屬中京顯德府南徙後故縣皆廢而新五代史

猶稱渤海國者指遼置之東丹國言也

湯池 遼州附屬 湯池縣蓋州城東北七十里遼置屬鐵州今爲湯池

堡

鴨江行部志湯池縣本遼時鐵州

按近人謂遼鐵州卽在今湯池堡蓋以湯池爲其附郭縣也

奉天通志 卷五十四 沿革四 統部四 遼 十

興州

遼志興州興中軍節度渤海置州故縣三盛吉蒜山鐵山皆廢

在京西南三百里

許亢宗奉使行程錄自瀋州七十里至興州自興州九十里至

咸州

張棣金圖經瀋州至蒲河四十里蒲河至興州四十里興州至

銀州南鋪五十里 開泰同記

按渤海興州屬中京顯德府南徙後故縣皆廢近人以鐵嶺

南之懿路爲遼興州之所在說詳金挹婁縣下

常安 遼州附屬

金史地理志 遼 挹婁遼舊興州興中軍常安縣

查看完整版

付费下载



【百万古籍库】

<https://www.fozhu920.com/list/>

【易】【医】【道】【武】【文】【奇】【画】【书】

1000000+ 高清古书籍

打包下载





【风水】风水命理资料合集_9500 本

阴宅阳宅、风水堪舆、八字命理、手相面相、符咒卦象、奇门遁甲、紫微斗数.....



【中医】中华传统医学资料大全_15000 本

针灸、推拿、正骨术、汉医、苗医、民间秘方偏方、药洒药方、祖传医术、珍本...



【道术】道家法术\茅山术\符咒术\气术_3000 套

修真秘籍、丹道、道家秘术、胎息功、内丹术、茅山法术、道家符咒、巫术、...



【武术】传统武术与现代搏击术_6200 册

少林、武当、太极拳、形意拳、八极拳、咏春拳、气功、散打、格斗、拳击、...



【集藏】经史子集库_13300 卷

【经史子集】楚辞、汉赋、诗集、词集、宝卷、正史、编年、别史、纪事本末、地理志...



【国画】传世名画 _ 6100 卷

唐、金、辽、宋、元、明、清 800 多位画家近 6000 多幅传世...



【县志】方志\地方县志\乡志\地理志_8100 册

府志、区志、乡志、地理志..... 此合集为全国范围地方县志\府志古籍影印电子版，...



【国学】中华古籍库—32 万册古籍书

32 万册《中华古籍库》 【32 万册影印古籍 + 20 多亿字，带检索器和阅读工具】 包括各地方志、日本内...

【更多】 >> <https://www.fozhu920.com/list/>